

Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. 3, 21. maj 2002-meersoq Atuussimasoq (Historisk)

§ 1.

Raajanut akitsuutit pillugit Inatsisartut inatsisaanni nr. 20, 25. oktober 1990-imeersumi, kingullermik Inatsisartut inatsisaatigut nr. 17, 30. oktober 1998-imeersukkut allanngortinneqartumi makku allannguutigitinneqarput:

1. § 1 ima oqaasertaqassaaq:

"§ 1. Inatsimmi uani aalajangersakkat naapertorlugit inuit selskabillu, angallatit Kalaallit Nunaanni nalunaarsorsimasut, matumani aamma angallatit nunanit allanit attartukkat atorlugit raajarniarsinnaanermut akuersissummik peqartut Kalaallit Nunaata imartaani pisamik ilaasa, kalaallillu nioqqutissiorfiini nioqqutissiassatut tulaanneqanngitsut akitsuutaannik landskarsimut nakkartussanik akiliisassapput."

2. § 4, imm. 1-imi "3 procentimik" allanngortinneqassaaq ima: "1 procentimik"

§ 2.

Inatsisartut inatsisaat atuutilissaaq ulloq 20. maj 2002-miit, ullorlu 1. juli 2002-miit atortuulissalluni.

Namminersornerullutik Oqartussat, ulloq 21. maj 2002

Jonathan Motzfeldt

/

Augusta Salling